

Elliott Loonstra PLY ta logra medaya na Brazil



Elliott Loonstra PLY a logra un biaha mas. Team Loonstra a yega na Rio de Janeiro, Brazil p'e 2022 **Pan American Para Taekwondo Open Championships** di cual 59 atleta di 17 pais a participa. Su prome pelea tabata contra di Brazil cual a termina den 26 seconde cu un score di 5-0 na favor di Loonstra despues cu e atleta di Brazil a retira. Esaki a sigura Loonstra su lugar den e semi-final.

Su siguiente pelea tabata contra un otro atleta di Brazil y despues di un pelea fuerte, na final e atleta di Brazil a avansa pa final. E momento aki ta representa e di dos medaya gana n'e Pan American Para Taekwondo Championships pa Loonstra den su carera den e deporte di Para Taekwondo. Tene na cuenta cu e categoria cu Loonstra a participa aden tabata esun di mas grandi cu un total di 14 atleta registra.

Coach Luciano Mazzeo a wordo aserca p'asina coach atletanan di otro paisnan di cual nan coachman no tabata tin e certificacion apropiada pa coach n'e evento aki di nivel asina halto. E paisan cu a pidi ayudo tabata Argentina, Chile y Republica Dominicana. Argentina a gana plata, Chile a gana brons y Republica Dominicana e gana plata. E atleta di Republica Dominicana tabatin un discapacidad adicional, e tabata sordo y t'asina haci pa coach mas dificil.

Mazzeo ta duna tambe aporte na 'Deaflympic Movement' den Para Taekwondo. Esaki ta muestra cu Coach Luciano Mazzeo tin experiencia internacional vasto y grandi cu otro paisnan ta respeta y aprecia. Team Loonstra kier duna danki na BodyZone Gym, Romina Martinez di Roro Fitness, Astrid Flores, nutricionista Julieta Moral, CEMEDAR y tambe na Famia Loonstra pa nan support extensivo na Loonstra y Mazzeo den nan capacidad y deporte. A duna Team Loonstra un caluroso bon-bini na yegada na Aruba bek diadomingo ultimo. Danki Aruba p'e apoyo y danki na coach Luciano Mazzeo pa a yuda haci e logro aki posibel.